

DEPIOTE MIERA AMIN'NY PRAIMINISTRA

Efa mivadika ny tany aman-danitra amin'ny depioite sy ny mpanatanteraka

Tena efa toa mivadika ny tany aman-danitra raha ny zava-misy eto amintsika amin'izao fotoana, eo amin'ny fifandraisana eo amin'ny depioite sy ny mpanatanteraka eto amintsika. Nisy mantsy ny depioite, ny depioten'i Sambava faritra Sava Mamangy Norbert, na depioite Jack, nilaza fa niera tamin'ny Praiministra ny tenany, fa hitsena ny namany izay tonga tany amin'ny renivohitry ny faritr'i Sava. Tonga tany antoerana ny depioite Siteny, sy ireo depioite mpiara-dia aminy, niarahaba azy ireo tao amin'ny seranam-piaramanidir'i Sambava ny depioite Jack, araka ny voalazany nialohan'ny nanaovany izany dia niteny tamin'ny Praiministra Ntsay Christian izy. Fa angaha moa ny lehiben'ny governemanta no lehiben'ny depioite? Ny Praiministra sy ny governemanta aza, no tokony hila ranondranony amin'ny solombavambahoakan'i Madagasikara, satria tompon'andraikitra izy ireo manoloana ny eny Tsimbazaza. Hisy izany amin'ny volana mey ho avy izao, mangataka ny fankatoavan'ireo mpanao la-lana ny mpanatanteraka, vao ho azo ampiharina ny fantsiana ny lalanan'ny tetibolam-panjakana ohatra. Ny programan'ny governemanta dia tokony ho hankatoavin'ny Parlemanta, anisan'izany ny eny Tsimbazaza, fa tsy ny olom-boafidy no handohalika manoloana ny olom-boatendry, tena tsy nisy tato anatin'ny 60 taona koa izany, hoy ireo mpanaraka ny raharaha-pirenena. Tena tsy hain'ny depioite Jack ny asany, hadinony fa mpanara -maso ny asan'ny executive, n any mpanatanteraka izy ireo. Nanambara ity depioite ity fotsy mbola niova hono izy, fa mbola manohana fitondrana ankehitriny. Voalazany fa niera tamin'ny Praiministra NTSAY Christian lehiben'ny Governemanta izay

TIM Vavatenina

Nanao asa tanamaro fanaovan-dalana tany Antanamarina

Nisy asa tanamaro nataon'ny antoko TIM: Tiako i Madagasikara, tany Antanamarina distrikan'i Vavatenina faritra Analanjirofo, tamin'ity herinandroity. Nisy arak'izany ny fannamboarana ny lalana tany an-toerana izay nataon'izy ireo, izany ihany koa dia ahatsiarovan'izy ireo ny filoha Marc Ravalomanana, izay manana fanamby: "amboary ny lalana eto Madagasikara", nahavitany lalana hatramin'ny 9000 km tamin'ny fotoana nitondrany. Izao asa tanamaro izao no Lisi-pifidianan'ny CENI



Asa tanamaro, fanaovan-dalana nataon'ny antoko TIM, tany Vavatenina.

natao, hoy ny mpikara-kara dia mba hanalana fa-

hasahiranana ny mponina, araka ny nambaran'ny

mpitarika ny antoko TIM any Vavatenina, Andriamatoa Flavien Vavatenina. Taorian'ny asa niarahana-nanao dia niaraka nisa-kafo tamin'ny lamban-dravina ny rehetra, araka ny fomba Betsimisaraka. Fanambin'ny TIM any antoerana, ny hanohy ireo asa efa nataon'ny filoha Marc Ravalomanana, ary vonona izy ireo hijoro, ho famerenana ny filoha nasionalin'ny antoko TIM eo amin'ny fitondrana in-drainy.

Isambilo

Befandriana Avaratra no nahitana fisoratana anarana be indrindra

Tany amin'ny distrikan'i Befandriana Avaratra faritra Sofia, no nahitana fisoratana anarana be indrindra, tamin'ny lisi-pifidianana navoakan'ny CENI: vaomieram-pirene-na mahaleotena misahana ny fidifianana afak'omaly, namarana vonjy maika izany lisity ny mpifidy izany. Na izany aza, mbola mitohy hatramin'ny 31 mey izay fisoratana anarana amin'ny lisi-pifidianana izay eny anivon'ny fokontany manerana ny Nosy. Nahazo salan'isa 98% ary mitazona ny laharana voalohany amin'ireo distrika 119 manerana an'i Madagasikara ny distrikan'i Befandriana-Avaratra tamin'ny fanatratarana ny tanjona izay



Ny filohan'ny CED any Befandriana Avaratra.

napetrakan'ny CENI. Nandritra ny lanonam-pamanarana ny lisity ny mpifidy vonjy maika ity, no nanentanan'ny filohan'ny CED, Razafinarivo Jeanne Patricia ireo mpanao politika, sy fiarahanonim-pi-

renena any an-toerana, mba samy hanabe sy hamporisika ny olom-pirenena hanamarina ny anarany eny amin'ny fokontany, sy hanentana ihany koa ny olom-pirenena izay mbola tsy tafiditra amin'ny

Stefa

Ny Valosoa sy fakafaka

Fankalazana ny Paka Niharihary indray ny fahoram-bahoaka

Niaraha-nahita iny fizoran'ny fankalazan'ny vahoaka malagasy ny fetin'ny Paska iny. Ny Paska izay andro lehibe hoan'ny mpino kristiana mihoatra noho ny fety hafa rehetra, satria andrin'ny finoany. Niseho ho kristiana i Andry Rajoelina kanefa toa zary manamaivana izany andro lehibe izany. Tsy ny fandehanna any ivelany na any Jerosalema akory no fanehoana fa kristiana, kanefa ny vahoaka entinao miaina ao anaty fahantrana sy fadiranovana miady mafy amin'ny fidangan'ny vidim-piaianana. Raha mpanara-dia an'i Kristy tokoa dia manaraka ny fanaony sy mankato ny teniny, mitsinjo ny madiniky ny Tompo, fa tsy avela hangasihasy eo hitanatana vava, ianao anefa ary migalabona amin'ny fiadanam-be. Ny Tompo tsy nahajery ny vahoaka reraky ny hanoanana izany, fa nofahanany hanina nahavoky azy ireo. Ary anisan'ny tena nanahirana ny maso sy ny saina, dia ny nampiainana ny mpomin'Antananarivo tao anaty loto sy fako. Ny faritra farniam-pako teto an-drenivohitra tsy afa-pako tamin'ny andron'ny Paska iny. Tsy mendrika ny vahoakan'Antananarivo ny hiaina ao anatin'izany, indrindra amin'ny fotoan-dehibe toy ireny, kanefa toy ny mandeha ho azy amin'izao izany ho an'ny mpitondra milaza ho mahatsapa ny fahoram-bahoaka. Mazava loatra, fihatsarambelatsihy no betsaka. Na dia niseho ho nifehy ny tsy fandriampahalemana aza ny lazaina ho mpitandro filaminana tamin'ny andro lehibe sy fety iny, dia tsy midika akory fa milamina ny amin'ity sehatry ny fandriampahalemana ity eto amin'ny firenena. Mbola olana lehibe io amin'izao fotoana izao, ary mbola mandry tsy lavo loha ny vahoaka. Ny fahatratraranana jiolahy sy dhalo, ka na matin'ny mpitandro filaminana aza ny sasany dia tsy hahafoana ny asa ratsin'izy ireo izany. Tsy maintsy misy hatrany jiolahy na dhalo vaovao mipoitra. Anisan'ny fisehon'ny fahantrana Lalina izany ary fahantrana no antony iray lehibe manosika azy ireo hanao ny asa ratsy. Olana iray lehibe anisan'ny tsy voavahan'izao fitondrana Rajoelina izao io toe-javatra io.

Sôh'son

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Ony R.

NY VALOSOA

Gazety misoko intelo isan-kernandao VAOVAO

Dokam-baratra

Tel. 034 79 076 00